

ՍԻԶԱԶԳԱՅԻՆ ԳԻՏԱԺՈՂՈՎ՝ ԵՎԻՐՎԱՍԾ ՄԵՑ ԵՂԵՌՆԻ 75-ԱՄՅԱԿԻՆ

Ապրիլի 17—20-ին ՀեՍՀ գիտությունների ակադեմիայի նիստերի դահլիճում տեղի ունեցավ «Հայերի ցեղասպանություն. պատմություն, տեսություն, քաղաքական պատասխանատվություն» թեմայով միջազգային գիտաժողով՝ նվիրված Մեծ եղեռնի 75-ամյակին, Գիտաժողովին, որն անց էր կացվում ՀեՍՀ ԳԱ ընդհանուր ժողովի հետ համատեղ, մասնակցում էին ակադեմիայի անդամներ, նրա դիտական հիմնարկների ղեկավարներ, դիտականներ Երևանից, Մոսկվայից, ինչպես նաև արտասահմանյան երկրներից՝ թվով 44 հոգի: Գիտաժողովի ընթացքում ներկա էին ՀՀ Կենտրոնի առաջին քարտուղար Վ. Մ. Մավսիսյանը, ՀեՍՀ Մի-նիստերների խորհրդի նախագահ Վ. Ս. Մարգարյանը, ՀՀ Կենտրոնի քարտուղար Գ. Ա. Գալստյանը, ՀՀ Երևանի քաղկոմի առաջին քարտուղար Գ. Ս. Ասատրյանը, ՀեՍՀ Միևիստերների խորհրդի նախագահի տեղակալ Յու. Ս. ԽոջաՎերյանը: Ներկաները մեկ րոպե լուսթյամբ հարգեցին Մեծ եղեռնի զոհերի հիշատակը:

Գիտաժողովը ներածական խոսքով բացեց ՀեՍՀ ԳԱ պրեզիդենտ, ակադեմիկոս Վ. Հ. Զավարժումյանը: Նախորդ դարի երկրորդ կեսին և այս դարի սկզբի հայկական կոտորածները, մասնավորապես 1915 թ. Մեծ եղեռնը, ասաց նա, եղել են կանխամտածված ու ծրագրավորված ոճրագործություններ, որոնց հիմքում գրվել են որոշակի նպատակներ՝ նվազեցնել հայերի քանակությունը երկրում, և, եթե հնարավոր է, լրիվ ոչնչացնել նրանց, հարվածել հայերի անկախության ձգտումներին և դիմադրվել Ռուսաստանի ազդեցության տարածման Առաջավոր Ասիայում: Թուրքիային հիմնականում հաջողվեց այս դարի սկզբին կատարել ցեղասպանության եղեռնագործությունը և ոչ միայն վերադարձնել առաջին համաշխարհային պատերազմի սկզբնական շրջանում իր կորցրած հայկական հողերը, այլև տիրել Կարսի մարզին, այստեղ ևս ոչնչացնելով հայկական տարրը: Ծավոք, շարունակեց Վ. Հ. Համբարձումյանը, ժամանակի խորհրդային իշխանությունները հույս ունեին, թե քանակական շարժումը կարող է վերածվել Արևելքում բաղձալի հեղափոխության մի կարևոր բաղադրիչի և Առաջավոր Ասիայում թուլացնել իմպերիալիզմի գաղութարարական քաղաքականությունը: Օսմանյի ցեղասպաններն իրենց մասին իզուր

լեն ասում՝ մեզ կարող են հաղթել ռազմադատում, բայց երբեք դիվանագիտական սեղանի շուրջ կամ գաղափարախոսության բնագավառում: Սուտը և խաբեությունը նրանց ձեռքին զորեղ զենք են:

1915 թ. դեպքերը, նշեց Վ. Հ. Համբարձումյանը, մինչև հիմա էլ շարունակում են խրախուսվել հայտայաց ուժերի կողմից: Դրավկայությունն են Սումգայիթի, Գանձակի և Բաքվի արյունահեղությունները:

Անցած երեք քառորդ դարում հայ ժողովուրդն իր ստեղծարար աշխատանքով այնպիսի հեղինակություն ձեռք բերեց ու այնպիսի նվաճումների հասավ, որ երբ 1988 թ. դեկտեմբերի 7-ի ահավոր երկրաշարժը ցնցեց մեր հայրենի հողը, գրեթե ողջ աշխարհը մեկ մարդու նման իր համերաշխության ձեռքը մեկնեց մեզ: Սակայն մեծագույն սխալ կլինեք, եթե մեր վշտի ազդեցության տակ հանդես գանք հայցողի դերում: Առաջին հերթին մենք ինքներս պետք է կառուցենք մեր տունը, սեփական աշխատանքով բազմապատկենք մեր ունեցվածքը, անենք ամեն ինչ, որպեսզի աշխարհը մեզ ճանաչի ոչ թե որպես Բասմաթուց մոռացված ժողովուրդ, այլ որպես շինարար: Ստեղծագործ ազգ, որը ոչ միայն իր անցյալով, այլև ներկայով ու ապագայի միտումներով իր ուրույն ու նշանակալից տեղն ունի համաշխարհային քաղաքակրթության լուսեղեն մատյանում:

Վերջում Վ. Հ. Համբարձումյանը գիտաժողովի կարևոր խնդիրը համարեց, ի մի բերելով Մեծ եղեռնի պատմագիտական ուսումնասիրության արդյունքները, մերկացնել ցեղասպանությունը թաքցնելու, ծածկելու կամ արդարացնելու քաղաքականությունը, մշակել անհրաժեշտ միջոցներ, որպեսզի ցեղասպանությունը որպես երևույթ վերացվի մարդկության կյանքից:

Այնուհետև «Հայ ժողովրդի մեծ ողբերգությունը» թեմայով հանդես եկավ ՀեՍՀ ԳԱ ակադեմիկոս Մ. Գ. Ներսիսյանը: Հայ ժողովրդի բազմադարյան պատմությունն ունի ոչ քիչ արյունոտ էջեր, ասաց նա: Այնուամենայնիվ, այն, ինչ 1915 թ. տեղի ունեցավ մեր ժողովրդի արեմտյան հատվածի հետ, արդեն մի ահավոր աղետ էր, իր ծավալով ու դժամարությամբ աննախադեպ մարդկության պատմության մեջ: Այդ հրեշավոր ողբերգության

հեղինակ երիտթուրքերը նպատակ էին հետապնդում զանգվածային շարժերի միջոցով իրենց հաջիվները մաքրել կայսրության ոչ թուրք ազգությունների, հատկապես հայերի, հույների, արաբների ու քրդերի հետ, որոնք դիտվում էին որպես լուրջ խոչընդոտներ պանթուրքիստական ծրագրերի իրականացման գործում։ Թուրք շովինիստներն իրենց առաջին հարվածն ուղղեցին հայերի դեմ, որպեսզի նրանց ֆիզիկական բնաջնջման միջոցով վերջ դնեն Հայկական հարցին և ճանապարհ հարթեն Կովկասը գրավելու համար։ Մ. Գ. Ներսիսյանը բերեց բազմաթիվ փաստարկներ, ժամանակակիցների վկայություններ, հիշատակեց փաստաթղթեր, որոնք հաստատում են հայերի զանգվածային տեղահանությունն ու կոտորածները, առանձնապես հրեշավոր անգթությունը իրագործվող մյուս չարագործությունները, անդրադարձավ հայերի պաշտպանական կռիվներին։ Նա միաժամանակ ցույց տվեց, որ պատմության թուրք կեղծարարները ձգտում են ժխտել արեւմտահայության ցեղասպանության փաստը, ծուռ հայելու մեջ ներկայացնել պատմական իրողությունը։

Զեկուցողը ուշադրություն հրավիրեց այն հանգամանքի վրա, որ մեր օրերում՝ Մեծ եղեռնից տասնամյակներ անց, նորից գործում է վաղուց արգեն ծանոթ ջարդարար ազգայնականների բարբարոս քաղաքականությունը, հակահայկական մի քաղաքականություն, որի հետևանքով հարևան հանրապետությունում ու նրան բռնություն կցված Արցախում տեղի են ունենում հայության նոր կոտորածներ։ Այդպիսի իրողության մեջ, վերջում նկատեց Մ. Գ. Ներսիսյանը, մեր պարտքը պետք է լինի վճռականորեն դատապարտել հայերի ցեղասպանությունը, այդ արյունոտ անցքերի հեղինակներին, անել ամեն ինչ, որպեսզի հետագայում կանխվեն նման ոճրագործությունները։

«Հայերի ցեղասպանության ուսումնասիրությունը. պատմական մոտեցում» զեկուցմամբ հանգես եկավ ՀեՍՀ ԳԱ արտասահմանյան անդամ Ռիչարդ Հովանենիսյանը (ԱՄՆ), նա հանգամանորեն խոսեց Թուրքիայի կառավարող շրջանների քաղաքականության մասին, որը նպատակաուղղված է հայկական ցեղասպանությունը մոռացության տալուն, այն ուրանալուն։ Նա մասնավորապես կանգ առավ ԱՄՆ-ի սենատի կողմից հայկական ցեղասպանության հարցի քննարկումը մերժելու պատճառների ու հանգամանքների վրա և նկատեց, որ, որևէ քաղաքական վերաբերմունք չունենալով հայերի նկատմամբ, ամերիկյան մի շարք սենատորներ, գործարար շրջանների մարդիկ, այնուամենայնիվ, լցանկացան իրենց տնտեսական շահերի հաշվին փլացնել հարաբերությունները

Թուրքիայի հետ, հայերի օգտին փաստաթղթի ընդունմամբ «նեղացնել» նրան։

Թեոսա Հոֆմանի (Արևմտյան Բեռլին) զեկուցման մեջ ներկայացվեցին 1915—1917 թթ. գերմանական փաստաթղթերն ու ականատեսների վկայությունները հայերի ցեղասպանության մասին։ Նա նշեց, որ գերմանական ազգայնական նշանակություն ունեն 1915 թ. Թուրքիայում կատարված դեպքերի հետադոստության համար, քանի որ Գերմանիան առաջին համաշխարհային պատերազմի տարիներին Օսմանյան կայսրության ռազմական ու քաղաքական դաշնակիցն էր, անմիջականորեն զտնվում էր դեպքերի կենտրոնում։ Նշելով, որ ոչ բոլոր գերմանական փաստաթղթերն են արժանահավատ, զեկուցողը զբաղեցրեց երեք խմբի։ Նա բարձր գնահատեց հատկապես գերմանացի միսիոներ, աստվածաբան Լեյխտոսի գրառումներն ու հուշագրությունները։

«Հայերի ցեղասպանությունը թուրքական ուսմունքի լույսի ներքո» զեկուցման մեջ Վ. Ա. Նադեժդին-Ռաևսկին (Մոսկվա) նշեց, որ պատմությունը վաղ թև ունի իր պահանջները կենդանիացնել նրանց, ովքեր խուսափում են պատմական ճշմարտությունից, ովքեր առանց խղճի խաթի կեղծում են պատմությունը, փորձելով կեղծ տեսություններով ու մոտեցումներով կառուցել իրենց սեփական ժողովրդի ապագայի հիմքը. նրանք՝ այդ գիտականները, ըստ էության ունանդիմի, մարտնչող շովինիզմի տեսությունն են դավանում, ժամանակակից Թուրքիայի պատմության մեջ այսպիսի դեր է խաղում պանթուրքիզմը՝ մի ազդեցիկ ապավանհ դոկտրինա, որը միանգամայն անմեղ միլիոնավոր զոհերի ճակոհների վրա կառուցված մեկ պետության մեջ թուրքական ժողովուրդների միավորում է քարոզում։ Դրա հետ մեկտեղ Թուրքիան, որի ձեռքերից մաքրված չեն միլիոնավոր հայերի, հույների, բուլղարների, սերբերի, քրդերի արյունը, հավակնում է քաղաքակրթության, իր իրր դեմոկրատական էության ճանաչման։

Դոնալդ Միլլերի և Լորեն Տուրյան-Միլլերի (ԱՄՆ) զեկուցումը նվիրված էր օնգոներ վերապրածների վկայությունների ներգրումը հայկական ցեղասպանության փաստական հիմնավորման գործում։ Թեմային, Զեկուցման մեջ հիմնավորվեց, որ ցեղասպանության մասին ողջ ճշմարտությունը վերահանելու և նրա պատմությունն ամբողջացնելու համար արժանահավատ աղբյուր են նրանից փրկվածների վկայությունները։ Այդ իսկ պատճառով թուրքերը հաճախ են փորձում ստվեր գցել այդ կենդանի վկայությունների վրա, անհիմն պնդելով, թե ականատեսների պատմածը միակողմանի է և պատմական արժեք չունի։ Եթե հետևենք այդ

տրամաբանությանը, նշվեց ղեկուցման մեջ, ապա առհասարակ հարկ է բոլոր ատյաններում փոխարկվել վկանների ցուցմունքներին:

«Ցեղասպանությունը և միջազգային իրավունքը» խորագրով ղեկուցման մեջ պատմական գիտությունների թեկնածու Ն. Վ. Շակոբյանը (Երևան) անդրադարձավ ՄԱԿ-ի 1948 թ. հեղինակների 9-ի կոնվենցիային, որի համաձայն ցեղասպանությունը գիտվում է իրրե ուժորոշություն մարդկության նկատմամբ: Այդ կոնվենցիայի շահանքներով է գնահատվում ոչ միայն արևմտահայության 1915 թ. ողորդությունը, այլև Սուդանի իրավիճակը և Ռաբիի ողորդական իրադրությունները: Ցեղասպանությունը կատարվել է հակահայկական ազգատեցության և կրոնական մոլեռանդության ու անհանդուրժողականության հողի վրա: Չնայած ՄԱԿ-ի կոնվենցիան ցեղասպանության ենթարկված ժողովրդին փոխհատուցում չի նախատեսում, վերջում ասաց ղեկուցողը, թուրքերի կողմից բռնադատված հայերին վերադարձնելու պահանջը մեր համազգային անհաջանջ պահանջն է և հարցի որեք այլ լուծում չի կարող բավարարել այդ ժողովրդին:

Վառլադ Տադրյանը (ԱՄՆ) ղեկուցումը նվիրված էր հայերի ցեղասպանության մեջ թուրք զինվորականների խաղաղած դերին: Զեկուցողը նկատեց, որ, ի տարբերություն հրեաների, հայ ժողովուրդը կոտորվեց իր բնօրրանի մեջ և հայերը չկարողացան հատուցում ստանալ, քանի որ թուրքիան ԽՍՀՄ-ը ոչ թիպյան փոխարկում է պատմական հայրենիքում, այլև վարպետորեն թաքցնում է այն: Այնուհետև ղեկուցողը բերեց բազմաթիվ փաստեր, որոնք վկայում են թուրք զինվորականության ակտիվ մասնակցությունը հայկական կոտորածներին:

Քրիստաֆ Գիեկելը (Շվեյցարիա) ղեկուցեց «Գերմանական սպաները Օսմանյան կայսրությունում և հայերի ցեղասպանությունը» թեմայով: Նա ցույց տվեց, որ հայերի ցեղասպանության գործում մեծ դեր խաղացին ոչ միայն թուրք ասկյարները, այլև նրանց հետ համագործակցող գերմանական զինվորականությունը: Նրանք էին իրադրություն հայերի տեղահանությունը Կիլիկիայում, Ուրֆայում, Զեյթունում, Մուսայունում: Գերմանական բարձրաստիճան սպաները ղեկավարում էին թուրք զինվորների գործողությունները: Նրանք պլանավորեցին և ղեկավարեցին նաև թուրքերի հարձակումը Կովկասի վրա: Կայսերական Գերմանիան ատամներով պաշտպանում էր իր արյունաբերող զառնակները, որը սառնասիրտ և հաշվենկատ իրադրածն էր ցեղասպանությունը:

Պատմական գիտությունների դոկտոր Ռ. Գ. Մանսկյանը (Երևան) ղեկուցումը նվիրված էր

Մեծ եղեռնի շուրջ Ֆրանսիայում 1960—1980-ական թվականներին լույս տեսած պատմագիտական գրականության քննական վերլուծությանն ու արժեքավորմանը: Նա նշեց, որ ֆրանսիական պատմաբանները, չնչին բացառությամբ, հարցը հետազոտում են գիտական անաչառությամբ, շրջանառության մեջ դնում նոր փաստաթղթեր ու նյութեր, փաստարկված պատասխան տալիս ժամանակակից թուրքական պատմագիտության կողմից պրոպագանդիզ պաշտոնական վարկածին, որը նպատակ ունի արդարացնել կատարվածը և ժխտել այն ժամանակվա թուրքական կառավարության անմիջական պատասխանատվությունն արևմտահայերի զանգվածային ջարդերի համար, ջարդեր, որոնք ֆրանսիական պատմաբանները որակում են իրրե ցեղասպանություն: Միաժամանակ ղեկուցողը վեր հանեց առանձին պատմաբանների անբարեխղճությունը՝ ցույց տալով նրանց թուրքապաշտ փաստարկների սնանկությունը:

Պատմական գիտությունների թեկնածու Ա. Ն. Փափազյանը (Երևան) 1919 թ. երիտթուրքերի դատավարության փաստաթղթերի կնիքատման հարցի շուրջ խորագրով ղեկուցման մեջ նկատեց, որ թուրք պետական գործիչները եռանդուն արշավ են սկսել հայերի ցեղասպանությունը ժխտելու ուղղությամբ: Նրանք մի կողմից հայտարարում են, որ թուրքիան իր արխիվները բացել է գիտնականների առաջ, մյուս կողմից պնդում են, թե այնտեղ ընդհանրապես չկան փաստաթղթեր՝ հայերի ցեղասպանությունը ապացուցելու համար և որ դա հայերի երեկակայության արդյունքն է: Սակայն, ըստ գոյություն ունեցող կարգի, հայերի ցեղասպանության վերաբերյալ փաստաթղթերի բնագրերը պետք է որ պահված լինեն Ստամբուլի արխիվներում, իհարկե, եթե դրանք նախապես չեն թաքցվել թուրքական այժմյան իշխանությունների կողմից: Կասկածից վեր է, ասաց ղեկուցողը, որ Ստամբուլում 1919—1920 թթ. երիտթուրքերի դատավարության նիստերում բերված և նահանգապետների կնիքով ու ստորագրությամբ հաստատված հեռագրերը, նամակները, հրահանգները, այլ բնույթի գրությունները հայերի ցեղասպանության անհրաժեշտ ապացույց են և պետք է որ պահված լինեն Ստամբուլի արխիվներում:

Ռուսիայում և ցեղասպանությունը թեմայով Ա. Ռ. Հովհաննիսյանը (Երևան) հաղորդումը նվիրված էր ռուսիայի թուրքական տարատեսակների՝ թուրքիզմի, պանթուրքիզմի և պանթուրանիզմի գաղափարախոսությունների վերլուծությանը: Նա նշեց, որ թուրքիայում ուսուսայական առաջին տեսությունների երևան գալը տեղի է ունեցել անցյալ դարի կեսերին:

Թուրքական ռասիզմն առավելապես խտացված ձևով արտահայտվեց Զիա Գյոքալփի տեսությունում, որի գործնական գրսևորումներից մեկը հղավ հայերի ցեղասպանությունը:

Գիտաժողովում լավեցին բազմաթիվ այլ ղեկուցումներ ու հաղորդումներ՝ նվիրված համալսարանային պատմության ամենաարյունոտ ու բարբարոսական էջերից մեկի տարբեր խնդիրների ուսումնասիրությանը: Գիտաժողովի աշխատանքի ընթացքում աշխարհի շատ երկրների հետազոտողներ, որոնք ղգաղվում են ցեղասպանության խնդրի քննությանը, հանգեցին այն միանշանակ կարծիքին, որ անհրաժեշտ է ակտիվացնել համատեղ գործունեու-

թյունն այդ ասպարեզում: Դա առավել ևս անհրաժեշտ է, քանի որ արխիվային, դիվանագիտական և պետական բաղմաթիվ փաստաթղթեր սփռված են աշխարհով մեկ: Սղրափակիչ նիստում գիտաժողովի մասնակիցները միահամուռ դատապարտեցին հայերի ցեղասպանությունը՝ որպես մարդկության դեմ կատարված ծանրագույն ոճրագործություն: Գիտաժողովը նպատակահարմար համարեց դիմել Հայաստանի գիտությունների ակադեմիային՝ առաջարկելով ներկայացված ղեկուցումներն ու հաղորդումները հնարավորին շափ սեղմ ժամկետում հրատարակել առանձին գրքով, ցանկալի է՝ երկու-երեք լեղվով: